



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 402
fax. +387 33 726 423
e – mail: info@voda.ba

Broj: **UP-1/21-1-40-416-2/24**
Datum: **08.11.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica JP „CESTE FEDERACIJE BIH” d.o.o. Sarajevo, za izdavanje prethodne vodne saglasnosti za rekonstrukciju raskrsnice na magistralnoj cesti M17 i izgradnju lokalne ceste za naselje Papratnica na području općine Žepče, na osnovu člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

RJEŠENJE

1. Odbija se zahtjev Investitora JP „CESTE FEDERACIJE BIH” d.o.o., Sarajevo, u postupku izdavanja prethodne vodne saglasnosti za aktivnost rekonstrukcije raskrsnice na magistralnoj cesti M17 i izgradnju lokalne ceste za naselje Papratnica na području Općine Žepče, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i sl.

Obrazloženje

Podnosilac zahtjeva JP „CESTE FEDERACIJE BIH” d.o.o., Sarajevo dostavio je ovoj Agenciji zahtjev za donošenje rješenja o prethodnoj vodnoj saglasnosti, za aktivnost rekonstrukcije raskrsnice na magistralnoj cesti M17 i izgradnju lokalne ceste za naselje Papratnica na području Općine Žepče.

U provedenom postupku dostavljena je i pregledana sljedeća dokumentacija:

- Ovjerenjena kopija Rješenja o izmjenama podataka u sudski registar Općinskog suda u Sarajevu, broj: 065-0-Reg-21-000653 od 27.04.2021. godine,
- Ovjerenjena kopija Uvjerjenja o poreznoj registraciji donesenog od strane Porezne uprave – Kantonalni ured Sarajevo, 01.07.2016. godine,
- Kopija Rješenja o prethodnoj vodnoj saglasnosti izdata od strane Ministarstva za poljoprivredu, šumarstvo i vodoprivredu Zeničko-dobojskog kantona, broj: UP1-05-21-656-3/24 od 28.05.2024. godine,
- Kopija rješenja o urbanističkoj saglasnosti broj: UP-I-Broj:03-19-1-739-2/2023 od 25.03.2024. godine, izdato od Službe za graditeljstvo i prostorno uređenje Općine Žepče,
- Kopija katastarskog plana mjerilo 1:200 za parcelu K.O. Papratnica, izdato od Službe za graditeljstvo i prostorno uređenje Općine Žepče,
- Izvod iz posjedovnog lista broj 45, K.O. Papratnica izdat od Službe za graditeljstvo i prostorno uređenje Općine Žepče dana 10.01.2024. godine,
- Izvod iz posjedovnog lista broj 211, K.O. Žepče-Van izdat od Službe za graditeljstvo i prostorno uređenje Općine Žepče dana 10.01.2024. godine,
- Izvod iz posjedovnog lista broj 213, K.O. Žepče-Van izdat od Službe za graditeljstvo i prostorno uređenje Općine Žepče dana 10.01.2024. godine,
- Izvod iz posjedovnog lista broj 350, K.O. Žepče-Van izdat od Službe za graditeljstvo i prostorno uređenje Općine Žepče dana 10.01.2024. godine,
- Izvod iz posjedovnog lista broj 687, K.O. Žepče-Van izdat od Službe za graditeljstvo i prostorno uređenje Općine Žepče dana 10.01.2024. godine,
- Studija za izdavanje prethodne vodne saglasnosti za rekonstrukciju raskrsnice i lokalne ceste za naselje Papratnica, urađena od strane SENDO d.o.o. Sarajevo,
- Dokazi o uplati administrativne takse u iznosu od 80,00 KM.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je slijedeće:

U sklopu aktivnosti modernizacije magistralnih puteva u Federaciji BiH, koje provodi JP CESTE FEDERACIJE BiH, planirana je i aktivnost rekonstrukcije raskrsnice na magistralnom putu M 17, dionica 006 Ozimica-Topčić Polje, kojim će se osigurati propusna moć, zadovoljavajući nivo usluge i povećati sigurnost učesnika u saobraćaju.

Kroz postupak donošenja rješenja o prethodnoj vodnoj saglasnosti je odlučeno o postojanju uvjeta za realizaciju planiranih radova prema podnesenom zahtjevu i dostavljenoj projektnoj dokumentaciji koja obrađuje dio koji se odnosi na prikupljanje i konačnu dispoziciju oborinskih voda sa saobraćajnice, te utvrđeno slijedeće:

- Prema dostavljenoj dokumentaciji predviđen je zatvoreni sistem odvodnje raskrsnice gdje se atmosferske vode sa asfaltnih površina kontrolisano prikupljaju i odvođe do recipijenta;
- Predmetna raskrsnica se ne nalazi u zonama sanitarne zaštite izvorišta koja se koriste za potrebe javnog vodosnabdijevanja;
- Lokalitet na kome se planiraju radovi na rekonstrukciji raskrsnice nije u koliziji sa stalnim, privremenim i povremenim vodotocima u smislu ukrštanja i kolizije sa istim;
- Rješenje prikupljanja i konačne dispozicije oborinskih voda ne mijenja način odvodnje postojeće raskrsnice i ne utiče na izmjene režima površinski i podzemnih voda u odnosu na postojeće stanje;
- Obzirom da se radi o ograničenom potezu tj. samo o raskrsnici i lokalnom putu koji su predmet projekta, nije predviđeno prečišćavanje prikupljenih oborinskih voda prije ispuštanja u recipijent;
- Ispuštanje prikupljenih voda se vrši u rijeku Papratnicu.

Nakon uvida u dostavljenu dokumentaciju utvrđeno je, sa aspekta sektora voda, da uslijed planirane rekonstrukcije predmetne raskrsnice neće doći do neželjenih uticaja predmetnog objekta na režim voda i promjene režima voda u odnosu na postojeće stanje odvodnje te u skladu s odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije, zbog čega se zahtjev smatra neosnovanim, s toga je riješeno kao u dispozitivu rješenja.

Za predmetnu aktivnost Investitor je dužan pribaviti vodne akte od nadležnog kantonalnog ministarstva, u skladu sa članom 17. stav (2) tačka 7. Pravilnika za izdavanje vodnih akata («Službene novine Federacije BiH», broj 31/15, 55/19, 41/20 i 63/22).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema zaključka.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka

Meho Čaušević, B.Sc.ing.grad.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.grad.

Dostaviti:

- JP Ceste Federacije BiH, Terezija 54, 71000 Sarajevo
- Ⓢ AVP Sava, ISV - vodna knjiga - ovdje
- Arhiva - ovdje
- Oglasna ploča AVP Sava